



龍亭贈同堂藏




21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43



登錄號 12/28

函 / 冊



羅麗琳瑯攷序

金石攷證之家輕真迹而重石墨何義也代遙而難傳傳或易贗而難信則反不若石墨之無疑也東俗不知尙古彈丸屢經兵火盡燬無遺居今安有羅麗之真迹哉所謂真跡亦多人間然詳審氣色皆贗作也金生金書首楞孤雲金



書般若經真鑒國師碑拓曩贈翁星原  
其札謝石墨而不屑真迹亦示輕真不  
真而重不真真耶噫歐陽信本宿索靖  
碑下趙子固舟沒輕命重寶異代風流  
可昂而不可及也余同缺口鑷子惟好  
學書禿盡千管專精金石性命是依其  
後執贄於翁覃溪先生猥荷傳燈益受

妙義天下之至樂豈有過於此學哉羅  
麗石墨最爲清雋絕俗宛有六朝風味  
而趙履不及無因發揮遂使明月夜光  
埋沒於幾千百年殊甚嗟恨於是博訪  
千碑另揀七笏審量尺寸詳分眉目俱  
是至寶而其餘無一可與語者麟角白  
月半折三碑旣非手書上石皆東人集

字亦沒靈光鍾鼎鏡牌東鑄極麤不足  
拓賞並置勿論詩曰

疊巘披荆幾問津榕陰明鏡掩殘春羅  
麗名士真心折筆意蕭閒似晉人

万丈虹垂碧海邊從來懷璧媿裔然宋咸

平中日本僧裔然以鄭康成注孝經獻于朝神龍弄爪嵩陽

夢一笑登船月墮烟

利害先明癖不堅會須清壙結真緣誰

知百濟探碑夕余辛未秋拓平百濟塔歸舟中遇大風雨怪

雨驚風打客船

精魂常往古碑前託意蘇潭十四年消

受紫金雲海氣詩林棒喝野狐禪

憶昔雲寺裏行巢鶯寂寂花冥冥山

阿片石餘方罨搨韻渾同怪瀑聲


璧合珠連信誓新烏雲衣鉢接何人鴨  
東碑拓都無法細囑真詮是夙因  
六橋紅豆本同根一死一生無可言金  
石因緣中道絕每逢殘碣輒招魂  
洪趙風流海外無誰將玉尺證錙銖探  
奇嗜古成顛癖猶恐傍人不笑吾


明定尼珠碧礪藏蠹蒙花放綴靈光癡

情倒處輕生死欲度層巒更斷腸

道光甲申山谷生朝六橋書于吉金樂

石之軒





羅麗琳瑯攷

積學齋徐乃昌感書

六橋李祖默

新羅碑並四笏



平百濟塔

賀遂良撰權懷素書碑文大楷遒勁  
尊嚴驚心動魄海東第一瑰觀也顯  
慶五年庚申八月己巳朔十五日癸

未建寬十六尺二寸

量慮  
虎尺

高五尺二

寸五分共計百十七行前七十行行  
皆十六字後四十七行行皆二十字  
額篆書 乾隆甲寅大風塔半見折  
此證未折已前舊拓本也在扶餘縣  
百濟遺墟

有唐新羅故知異山雙谿寺教諭真鑒

### 禪師碑銘並序

碑字正楷前西國統巡宮承務郎侍  
御史內供奉賜金魚袋文昌侯崔致  
遠撰并書篆額筆法秀妍豪脫正如  
百花盡放奇峰飛來高六尺二寸寬  
三尺一寸共計二十八行行皆七十  
字其上折後半微缺一角在晉州牧



知異山

新羅鑿藏寺碑

守大南令金陸珍撰并書碑文行書  
鸞飄鳳泊炬赫動人就殘缺處詳辨  
得十七行中間最高一行二十四字  
共計二百八十三半字案是碑建自  
貞元十六年改金史貞元至四年改

元則此碑斷爲唐貞元無疑也在慶  
州府恩站山

海東故神行禪師之碑并序

唐衛尉卿國相兵部令兼修城府令  
伊千金獻貞撰東溪沙門靈業書得  
山陰正脉宛有官奴風味可喜元和  
八年歲次癸巳九月庚戌朔九日戊

午建碑高五尺六寸六分寬二尺五寸共計二十九行行皆六十三字碑文行楷全幅不泐惟末角缺一字在晉州牧知異山

高麗碑並三笏

清平山文修院記

碑文行書碑額大楷建炎四年庚戌

沙門坦然書正議大夫國子監大司成寶文閣學士知制誥金學轍記行豪如翻身鳳凰雖極傾倒石已稍剝不無美人遲暮之恨高四尺五寸寬二尺七寸共計二十九行行皆四十八字在春川府清平山

奉先宏慶寺碣記

碑文大楷篆蓋七字橫寫太平六年  
立翰林學士宣議郎內史舍人知制  
誥兼史館修撰官賜紫金魚袋崔冲  
撰奉議郎國子丞白元禮書骨瑩神  
清頗似醴泉銘翁覃溪詩曰璞完中  
有和璧潤月滿始悟金波圓是珉之  
謂也高五尺六寸寬二尺九寸共計


二十五行行皆四十六字在稷山縣  
素沙



高麗國曹溪宗崛山下斷俗寺大鑑國  
師之碑銘並序



碑文行書碑額大楷正書大鑑國師  
碑銘六字守太保門下侍郎平章事  
判吏部事修國史兼太子太師致仕


李之茂撰普賢寺住持大悟重大師  
機俊書并篆額筆法外如放縱內實  
嚴密可敬大金大定十二年壬辰正  
月立碑高七尺八寸六分連額橫寬  
三尺七寸七分共計三十二行行皆  
七十二字碑下有太泐處缺九十三  
字碑額並四邊均有蓮花童子吉雲

仙鶴琢飾瑯鏤甚工雅與大定泉范  
及鑄鏡背泉式相似他碑所無在晉  
州牧知異山









(23)

中国书店(琉)

册数	1
定价	1.50